



CENTVRIÆ IVRIDICÆ

Practicæ Quæstionum illustrium.

T H E S I S I.

Mulieres five Vxorēs, licet non sint communes, juxta Anabaptistarum opinionem; attamen eas in commercio virorum esse oportet. Quemadmodum videmus plerasque mulieres in civitatibus Hansiaticis, in commercio esse, inprimis ubi Clerici, & Hispani, Angli & Hollandi dominantur, qui cum mulieribus, viris interim vinum bibentibus, & consentientibus, Commercia indefinenter exercent, idque quia notorium est, ullâ probatione non indiget, sed sola allegatio sufficit. *L. Si adulterium cum incestu § idem pollioni ff. ad l. Juliam de adult.* Sic CATO Uticensis summus Philosophus concessit Hortentio usum conjugis suæ, referente *Appiano lib. 2. bell. civil.* Et Socratem summum politicum & omnium sapientissimum, uxorem suam Xantippen alteri dedisse, scribit Plutarchus in vita Socratis. *Laert. lib. 2. in vita ejusdem*